

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo za bora ka pitanja
TUZLA

Na osnovu člana 44. Zakona o dopunskim pravima branitelja i članova njihovih obitelji ("Službene novine Tuzlanskog kantona", broj: 3/07, 4/08 9/08 i 8/10) i tačke VII Odluke o utvrđivanju uslova, kriterija i postupka dodjele sredstava za participaciju u troškovima učešća i organizovanja sportskih takmičenja i manifestacija invalidskim sportskim klubovima i savezima Tuzlanskog kantona, broj:02/1-14-8810/11 od 12.05.2011. godine, Ministarstvo za bora ka pitanja Tuzlanskog kantona objavljuje

JAVNI POZIV
za dodjelu sredstava za participaciju u troškovima učešća i organizovanja sportskih takmičenja i manifestacija invalidskim sportskim klubovima i savezima Tuzlanskog kantona za 2011. godinu

I Pravo učešća

Pravo učešća imaju invalidski sportski klubovi i savezi (u daljem tekstu:sportski klub) koji su registrovani u skladu sa odredbama člana 10. Zakona o udruženjima i fondacijama i koji su u prethodnoj godini imali predstavnika na evropskom, svjetskom, olimpijskom i paraolimpijskom, odnosno koji su osvojili medalje na takmičenjima: kantonalnog, federalnog, državnog i međunarodnog nivoa.

II Ukupna sredstava, pojedinačni iznosi i kriteriji za učesnike

(1) Sredstva planirana u Budžetu Tuzlanskog kantona u 2011. godini, u ukupnom iznosu do 70.000,00 KM, raspodjeljuju se na osnovu slijedećih kriterija:

- 1) brojnost članova klubova - članova tog saveza, što se dokazuje aktom o registraciji i pristupanju;
- 2) broj učesnika koji učestvuju u projektu;
- 3) broj osvojenih medalja na takmičenjima: kantonalnog, federalnog, državnog i međunarodnog nivoa;
- 4) broj učestvovanja na evropskim, svjetskim, olimpijskim i paraolimpijskim takmičenjima,
- 5) broj državnih reprezentativaca u timu, i
- 6) brojnost članova sportskog kluba.

(2) Sportski klub iz tačke I ovoga javnog poziva, ima pravo na participaciju po osnovu najviše tri uredno kompletirane prijave, a maksimalni iznos participacije po jednoj prijavi, može iznositi najviše do 10.000,00 KM (slovima: deset hiljada KM).

III Svrha utroška sredstava

(1) Planirana sredstva iz tačke II moгу se koristiti za

- nabavku sportskih rekvizita i opreme (lopte, dresovi i dr.);
- troškove prevoza na takmičenje;
- troškove prenoštanja za takmičenje na gostovanju;
- zakup sale ili objekata za takmičenje prema ugovoru o zakupu;
- naknade sudijama i delegatima takmičenja;
- novčane nagrade za osvojena mjesta na takmičenju i pehare, plakete i medalje za osvojena mjesta na takmičenju

(2) Planirana sredstva iz tačke II ne mogu se koristiti za:

- troškove reprezentacije (hrana, piće);
- nadoknadu za rad licima kroz plaće, topli obrok, regres ili drugi vid naknade za rad učešćem i
- finansiranje rada i nadoknadu u organizaciji upravljanja sportskog kluba,

IV Način prijave i potrebna dokumentacija

(1) Sportski klub podnosi prijavu na javni poziv tako što popunjava Prijavni obrazac koji se može preuzeti sa Web stranice Vlade Tuzlanskog kantona (www.vladatk.kim.ba) ili u Ministarstvu za bora ka pitanja Tuzlanskog Kantona.

(2) Uz prijavni obrazac, koji se smatra zahtjevom, obavezno prilažu slijedeći dokumenti:

1. Rješenje o upisu u Registar kod Ministarstva pravosuđa i uprave Tuzlanskog kantona;
2. Identifikacijski znak, identifikacioni broj, spesimen potpisa;
3. Odluka organa upravljanja udruženja o usvajanju Finansijskog izvještaja za prethodnu godinu;
4. Program rada i Plan (kalendar) takmičenja sportskih klubova za 2011. godinu;
5. Finansijski plan projekata s izvorima prihoda i očekivanim rashodima;
6. Program organizovanja ili učešća za koji se traži participacija troškova;
7. Specifikacija svih troškova sa naznakom visine sredstava na koja se računava iz ovog Javnog poziva

(3) Nepotpune i neblagovremene prijave neće se uzimati u razmatranje.

(4) Sportski klub kojem su prethodne godine odobrena sredstva a isti nije podnio izvještaj o namjenskom utrošku tih sredstva, odnosno sportski klub čija se prijava bazira ili se u većem dijelom odnosi na investicijska ulaganja, izgradnju i adaptaciju objekata, odnosno sportski klub koji ima administrativne izdatke veće od 20% od ukupne vrijednosti zahtjeva, nema pravo na participaciju po ovom javnom pozivu.

(5) Prijavni obrazac se podnosi zajedno sa propisanom dokumentacijom iz stava (2) ove tačke u zapečaćenoj koverti, a predaje putem pošte ili na pisarnicu zajedničkih službi kantonalnih organa.

V Rok za podnošenje prijave

(1) Javni poziv objavljuje se u dnevnim novinama i na zvaničnoj web stranici Vlade Kantona.

(2) Rok za podnošenje prijava po ovom Javnom pozivu je 15 dana od dana objavljivanja u dnevnim novinama.

(3) Prijavne izjave iz dostavljenih prijava uzimaju se u razmatranje onakve kakve su postojale u momentu – danu zaključenja javnog poziva

VI Korištenje sredstava

(1) Na osnovu prijedloga Komisije i plana (kalendar) takmičenja sportskih klubova, Ministarstvo donosi pojedinačne odluke o dodjeli sredstava.

(2) Sportski klubovi, obavezni su realizaciju sredstava izvršiti prema rokovima iz prijave i dostaviti finansijski izvještaj o namjenskom utrošku sredstava sa kompletnom dokumentacijom.

(3) Rok za dostavu izvještaja je 30 dana od dana okončanja aktivnosti koje se participiraju, a sportskom klubu koji ne dostavi izvještaj o pravdanju prethodno doznanih sredstava, iz stava (2) ove tačke sredstava za naredno takmičenje i/ili manifestaciju neće biti dostavljena.

MINISTARSTVO ZA BORA I KADA PITANJA
TUZLANSKOG KANTONA

POPUNJENI PRIJAVNI OBRAZAC SA SVIM PRILOZIMA
PODNOSE SE U ZAPEČACENOJ KOVERTI A PREDAJE PUTEM POŠTE ILI NA
PISARNICU ZAJEDNICKIH SLUŽBI KANTONALNIH ORGANA NA ADRESU:

TUZLANSKI KANTON
MINISTARSTVO ZA BORA I KADA PITANJA TUZLANSKOG KANTONA

Slatina br. 2
75 000 Tuzla

[sa naznakom]

"Prijava na Javni poziv za dodjelu sredstava za participaciju u troškovima učešća i organizovanja sportskih takmičenja i manifestacija invalidskim sportskim klubovima i savezima Tuzlanskog kantona za 2011. godinu